



Dia 18 di Mei tabata dia Internacional di Museo y e “International Council Of Museums” a escoge como tema pa e aña aki “Museums and tourism”. Den cuadro di esaki Museo Arqueologico Aruba a “launch” su workshop nobo “New Exhibit”.

Intencion di e workshop aki ta pa duna oportunidad na guianan manera “tourguides” pa nan mes por duna un guia den e sala di exposicion nobo di Museo Arqueologico, cu lo

habri oficialmente pa publico riba dia 26 di Juli 2009.

Na e “launch” di e workshop a presenta pa medio di un powerpoint na personanan clave di sector di turismo, e concepto di e workshop y despues nan a participa den un session di “brainstorm” den cual nan a discuti e contenido y exigencianan cu e workshop mester cumpli cune segun nan vision professional den e area aki.

E organisacion di y

preparacion pa e “launch” di e workshop a ser haci pa e stagiair sr. Norwin Maria, cu ta un estudiante di Colegio EPI, sector Economico, “richting Toeristische Administratie”, cu a traha riba e proyecto aki como su eindejaars stageopdracht.

Tambe el’a habri e “launch” y a guia e session di “brainstorm” den cual participantenan di Aruba Tourism Authority (ATA), Aruba Cruise Tourism, The Palm Tours, Legacy Tours y Parke Nacional di Aruba a discuti tocante temanan manera ki actividadnan Museo lo por ofrece turistanan den futuro banda di e exposicion

18 di Mei, Dia Internacional di Museo

Museo Arqueologico Aruba a “launch” workshop “New Exhibit”

permanente y exposicionnan temporario.

Asina Museo Arqueologico Aruba a haya informacion valioso di su partners den e sector di turismo cu lo yuda Museo pa duna e mihor experiencia possible na su futuro bishitantenan.

E conclusionnan di e session di “brainstorm” di e “pilot-

group” aki lo ser procesa y despues incorpora den e workshop “New Exhibit”. Pronto Museo Arqueologico Aruba lo invita “tourguides” pa participa na e workshop aki.

Esaki lo pasa den fase pa asina tur cu ta interesa den esaki ta haya oportunidad pa participa. Intencion ta pa e workshop aki den futuro bira un parti di un “Island Wide Certification Program” di destinacion Aruba.